

Von klag vnd antwürt XV

Wen endrüg der klag beschehē sol.

Der klegger mag sin klag endern/mindern vnd meren on straff/all die wil der gegenteil sin rechtliche antwürt nit gegebē hat/wen aber die selb antwürt in rechte gefallen ist/diewil dan die kriegs bevestnig dadurch verstandē würt/wie hernach stat/so mag darnach der klegger sin klag nit wyter endern/er wöle dan dem antwürtter allen vffelouffnen kossen abtragen/vnd von nürwem fürpieten vnd klagen.

Subtilheiten der recht sind

in disen sazungen hindangestellt.

Wie aber oder mit was worten vnd anhaltungē in einem yeden handel/die klag sol gesetzt/dawider ercipiert/oder sunst in anderweg von einem terminō zū dem andern procediert werden/des wöllen wir vns nit wyter/dan wie ob vnd hiernach begriffen beladen/dan vns nach gelegēheit diser Statt Fryburg vnd deren inwoner nit nütz vnd noē bedüchē/vns zū vil in subtilitäten der rechten in disen sazunge zū verflechten.

Von zile vnd tag vmb die

klag zū antwürtten.

Wen mün die klag geschehen/vnd der antwürtter nit erstmals gefasert ist/antwürt zū geben/So sol im nach kleinsüg/mittelmessigkeit vnd nach schwere der klag/wie vns vnd die richter zū zyten not syn bedüchē zil vnd tag bis vff den nechsten Rats oder Gerichts tag/oder acht/ald vierzehentag sin antwürt zegeben gesetzt werden.

Wie man abschrifft von

den fürtragen geben sol.

Item der gliche ob die klag oder ander nachgand fürtrag/so im rechten beschehen/so wytschweiff eins langen fürtrags/schwer oder vil daran gelegen wer/wiewol dan vnser Statrbuch bissher nit gewesen ist/yemants von den fürwendungen so im rechten beschehen einich abschrifft zū geben/nicht destminder ob die partien des abschrifft begerten/so sol inen solchs zū gelassen werden/doch stat an vnser vnd der richter erkantnuß/wen die handel so schwer oder mercklich geacht/das abgeschrifft davon zū geben/notwendig sye.

¶